



Dato: 26. juni 2020
Kontor: Nordatlantkontoret
Sagsbeh: Anders Futtrup
Sagsnr.: 2019-731-0044
Dok.: 1274330

EQIKKAANEQ

Kalaallit Nunaanni Eqqartuussisarnermik inatsisip inatsisillu allat assigiinngitsut allanngortinneqarnissaannut Inatsisissatut Siunnersuummut missingiut

(politiit pillugit aaqqissuusseqqinnermik, politiit naammagittaalliutigineqarsinnaanerannik aaqqissuusinnermik pilersitsinnermik il.il. naammassinninneq)

Suleqatigiissitap Justitsministeriamiit, Rigspolitiimiit, Pisortat unnerluussisuanit, Savalimmiut politiiviniit aammalu Kalaallit Nunaata politiiviniit aallartitanik ilaasortaqartup innersuussutigisimavaa Kalaallit Nunaata politiivi 2007-mi aaqqissuusseqqissimanermut ilanngunneqassasut. Suleqatigiissitap ilanngullugu innersuussutigisimavaa Kalaallit Nunaata politiivini unnerluussisussaataasut politiit immikoortortaqarfii allat assigalugit aaqqissuunneqassasut, tassani ilagitillugu Kalaallit Nunaata politiivi unnerluussisarnermut atatillugu sumiiffimmi naalagaaffiup eqqartuussisuserisuanut atassuteqarlersillugit, maannakkutut ikkunnaartillugu, tassa Pisortat unnerluussisuanut atassuteqartikkunnaarlugit.

Tamanna tunngavigalugu inatsisissatut siunnersuutip ilaatigut siunertaraa Kalaallit Nunaanni politiit unnerluussisussaataasullu pillugit aaqqissuusseqqinneq, taamaaliornikkut sumiiffinni politeeqarfiit aaqqissuussaanikkut allanut politeeqarfiusunut naligiissinniarlugit. Inatsisissatut siunnersuummi pineqarput Danmarkimi allannguutaasut, eqqartuussisarnermik inatsisip allanngortinneqarneranut inatsit (Unnerluussisussaataasut ilusilersugaanerat) nr. 385, 20. maj 1992-meersoq aammalu eqqartuussisarnermik inatsisip inatsisillu allat assigiinngitsut allanngortinneqarnissaat pillugu inatsit (Politiit eqqartuussiviillu pillugit aaqqissuusseqqinneq) nr. 538, 8. juni 2006-meersoq.

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Nalilerneqarpoq, inatsisissatut siunnersuutitigut sinaakkutinik politiit aammalu unnerluussisussaataasut Kalaallit Nunaanni sulinerinik nukittorsaa sunik pilersitsisoqartoq, aammalu taamaaliornikkut ataqatigiissaarineq pitsaanerusoq pilersaaruserluakkamillu politiinik aammalu unnerluussisarnermut tunngatillugu aqutsineq pitsaanerusoq anguneqartut.

Suleqatigiissitap ilanngullugu innersuussutigaa, Politiit pillugit Naammagittaaliuteqartarfiup Arlaannaannulluunniit Attuumassuteqanngitsup politiittut sulisut sulinerminni pissusilersuutaat pillugit naammagittaalliuutit misissortarnissaannut aalajangiivisarnissaannullu (pissusilersuutitut naammagitaalliuutit) pisussaaffilerneqassasoq aammalu politiit sulitillutik pinnerlussimaneri pillugit misissuisarnissamut pisussaaffilerneqassasoq.

Tamanna tunuliaqutaralugu inatsisissatut sinnersuutip aamma siunertaraa, Danmarkimi allannguutit, eqqartuussisarnermik inatsisip inatsisillu allat assigiinngitsut allanngortinneqarnissaat pillugu inatsisikkut (Politiit naammagittaalliuutitigineqarsinnaanerata nutaaq il. il.) nr. 404-kkut 21. april 2010-meersukkut ivertinneqartut ivertissallugit. Taamaliornikkut naammagittaalliuortup Danmarkimut arlaannaanut attuumassuteqannginnissaa isumannaarneqarluni.

Kiisalu inatsisissatut siunnersuutip siunertaraa, Kalaallit Nunaanni parnaarussat ammasumiittut anisitaanissamut piareersaanermit atatillugu Nuummi parnaarussivimmut immikkut paarisat immikkoortortaqaqfiannut nuunneqarsinnaanerannut tunngavissiiinissaq, nalilerneqarpat pineqartoq ammasumiinnissamut naleqqutinnitsoq, imaluunniit inissiineq nalilerneqarpat isumannaassutsikkut illersorneqarsinnaanngitsoq.

Inatsisissatut siunnersuutip suliarineqarnerani eqqumaffigineqarsimavoq, aalajangersakkat nutaat danskit eqqartuussisarnermik inatsisaanni malittarisassanut naapertuutissasut, aammalu taamaallaat malittarisassat allaanerussaasut Kalaallit Nunaanni pissutsit immikkuullarissut tunngavigalugit.

Politiit pillugit aaqqissuusseqqinneq tamakkiisoq, inatsisissatut siunnersuutitigut allaffissornikkullu atuutilertussa, immikkoortunik qitiusunik makkuninnga imaqarpoq:

- *Politiinik siulersuineq aqutsinerlu:* Siunnersuutigineqarpoq politiit aqutsinikkut arlariitsigut ingerlaarfilimmik aaqqissugaanerata allanngortinneqassasoq, "naliginnaasumik" ilusilersukkamik taarsinikkut (direktoratsmodel), tassa qulaani ataanilu inissisimasoqarfik

justitministerip, naalagaaffiup politiivisa naalagaata, politiit pisortaata (siullermik politimesteri) akornanni. Taamaalilluni naalagaaffiup politiivisa naalagaat, ullumikkumut sanilliullugu, sulianut tunngatillugu pisussaaffeqarnerulissaaq.

- *Aaqqissuussaaneq nutaaq:* Kalaallit Nunaata politiivi qitiusumik allaffeqarfimmini allannguereersimapput, ullumikkut qitiusumik aaqqissuussaaneq pingasunut agguarneqarsimavoq: unnerluussisussaataasut atorfilittat kiisalu politiit. Inatsisissatut siunnersuutikkut Kalaallit Nunaata politiivi aaqqissuusaanikkut politeeqarfimmut allanut assingulissaaq. Tamanna unnerluussisussaataasut aaqqissuunneqaqqinnerinik tunngaveqarpoq, tamassumalu kingorna siunnersuutaavoq naalagaaffiup eqqartuussisuserisui Kalaallit Nunaanni pisortat unnerluussisuinut ilanngunneqarnissaat.
- *Politiit inoqarfimmi innuttaasunut attaveqarnerat:* Politiit inoqarfimmi innuttaasunut attaveqarnerannik nukittorsaalluni ingerlatitseqqinnermut atatillugu ilaatigut siunnersuutaavoq politeeqarfimmi siunnersuisoqatigiinnik pilersitsinissaaq. Politeeqarfimmi siunnersuisoqatigiit qitiusumik Kalaallit Nunaanni politiit pisortaannut, Naalakkersuisunut aammalu borgmesterinut attaveqaatitut atuutissapput. Politiit pisortaata ilaatigut ukiut tamaasa sumiiffimmi suleqatigiinnissamat pilersaarummik suliaqartassaaq, taanna politeeqarfimmi siunnersuisoqatigiit oqaluuserisassavaat aammalu saqqummiunneqartassalluni.
- *Teknologi nutaaq il. il.:* Siunniunneqarpoq Kalaallit Nunaanni politiit POLSAS-imut BØDE/KASSE-systemimullu nuussasut, tamanna allaffissornikkut, aalajangersaanikkut teknikkikkullu periarfissaalerpat. Aamma siunniunneqarpoq politiit it-systemii il. il. malunnaatilimmik pitsanngorsarneqarnissai aammalu ataavartumik politiit teknikkikkut atortuinik nutaanik inerisaanerup ingerlattuarneqarnissaa.

Unnerluussisussaataasut pillugit aaqqissuusseqqinneq, inatsisissatut siunnersuutitigut allaffissornikkullu naammassineqartussaaq, qitiusunik makku-ninnga imaqarpoq:

- *Unnerluussisussaataasut aaqqissugaanerit:* Siunnersuutigineqarpoq naalagaaffiup eqqartuussisuserisui Kalaallit Nunaanni pisortat unnerluussisuinut ilaalissasut. Naalagaaffiup eqqartuussisuserisui –

soorlu Danmarkimisut – pisortat unnerluussisuata politiillu pisortaata ataaniissapput. Taamaaliornikkut aaqqissugaanikkut Kallaallit Nunaanni unnerluussisussaataitasut Danamarkimi unnerluussisussaataitasunut naligiisinneqassapput. Tamassuma kingunerisaanik unnerluussisussaataitasut tassaalerput pisortat unnerluussisuata, naalagaaffiup eqqartuussisuserisui aammalu politiit pisortaata.

- *Naammagittaalliorsinnaaneq:* Siunnersuutigineqarpoq, pinerluttulerinermik suliani politiit pisortaata aalajangiineri naalagaaffiup eqqartuussisuserisuanut tunniunneqarsinnaassasut, naammagittaalliutitut inerniliussat aalajangiisuusimappata. Naalagaaffiup eqqartuussisuserisuata aalajangiineri inerniliussat siullertut pisortat unnerluussisuannut naammagittaalliutigineqarsinnaapput. Pisortat unnerluussisuata aalajangiineri inerniliussat siullertut justitsministerimut naammagittaalliutigineqarsinnaapput. Taamaaliornikkut aalajangiinernut marloqiusamik periarfissaqartitsineq ingerlanneqassaaq, pinerluttulerinermik suliani unnerluussisussaataitasut aalajangiinerinut tunngatillugu.
- *Unnerluussisinnaaneq:* Siunnersuutigineqarpoq, unnerluussisarnermut tunngatillugu malittarisassat pinerluttulerinermillu sulianik saqqummiussisarneq justitsministerip imaluunniit taassuma pisinnaatitaata allaffissornikkut malittarisassanik atuutsitsineratigut pilersitsinikkut sukumiinerusumik aalajangersaavigineqassasut - tassa sulisaaseq naapertorlugu pisortat unnerluussisuannit.
- *Taarsiivigitinnissamut suliat:* Siunnersuutigineqarpoq, pinerluttulerinermut tunngatillugu siullertut malersuinermi taarsiivigitinnissamut suliat allaffissornikkut suliarineri sumiiffimmi naalagaaffiup eqqartuussisuserisunit ingerlanneqartassasut, taakkua naammagittaalliorsinnaatitaallutik pisortat unnerluussisuannut.

Politiit naammagittaalliutigineqarsinnaanerat pillugu suliaqarnerup nutaa-jusup inatsisissatut siunnersuutitigut allaffissornikkullu naammassineqartussap qitiusumik makkua imarai:

- *Politiit pillugit Naammagittaalliuuteqartarfik nutaaq:* Siunnersuutigineqarpoq, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq pisinnaatinneqalissasoq misissuinissamut aalajangiinissamullu, politiit sulitillutik

iliuserisimasaat pillugit suliani (pissusilersuutit pillugit naammagittaalliutit) aammalu politiit sulitillutik pinerlussimanerinit tunngasunik suliani. Tamatumunnga ilagitillugu Kalaallit Nunaanni politiini sulisuusut pillufit naammagittaalliutinik aamma taakku pillugit pinerluttulerinermi suliassanik suliarinnitarneq pillugu inatsit atuuttoq nr. 905 16. december 1998-imeersoq atorunnaarsinneqarpoq. Taamaalilluni Kalaallit Nunaanni Politiit pillugit naammagittaalliuteqartarfik atorunnaassaaq.

- *Najukkani tunngavissiineq:* Politiit pillugit Naammagittaalliuteqartarfiup sulineranut atatillugu sapinngisamik Kalaallit Nunaanni pissutsinut ilisimasaqarnissaq qulakkeerniarlugu siunnersuutigineqarpoq, Kalaallit Nunaanni Politiinut naammagittaalliutit pillugit isumalioqatigiissitamik pilersitsisoqasasoq, sulianut tunngatillugu missingersuutitut oqaaseqaateqartartussamik. Maanna Politiit pillugit Naammagittaalliuteqartarfiup aaqqissugaa-nera isumalioqatigiissitamut nutaamut nuunneqarnissaa siunnersuutigineqarpoq, taassumalu kinguneranik eqqartuussisuserisumit siulittaasuusumit aammalu justitsministerimit ukiunut sisamanut tooqarneqartunik marlunnik ilaasortaartoq.
- *Reservebetjentit:* Reversebetjentit politiit pisortaata atorfinitsitai politiit pillugit naammagittaalliuteqartarnermut tunngatillugu maanamut ilaatinneqarsimangillat, reservebetjentit politiit oqartussaassuseqanngimmata taamaattumillu politiit siulersuinerisa akisussaaffiisalu ataanni inissisimasuullutik. Reservebetjentilli politiit illoqarfinni sulineranni peqataammata taamaalillutillu pissaanermik attuisinnaatitaallutik, tassunga ilagitillugu timikkut pissaanermik atuneq, siunnersuutaavoq Politiit pillugit Naammagittaalliuteqartarfiup pissaaffeqarfiisa ataanni aamma inissisimalissasut.
- *Pineqaatissiisinnaaneq:* Siunnersuutaavoq unnerluussisussaaitaasut suli tassaassasut (siunnersuutip kingorna naalagaaffiup eqqartuussisuserisua aammalu pisortat unnerluussisuat) aalajangiisartut unnerluussisoqarnissaanut imaluunniit unnerluussisoqannginnissaanut tunngatillugu aammalu eqqartuussivimmi najuuttartussat unnerluussisutut.
- *Nalunaarutininik suliaqarneq:* Pissusilersuutinut tunngatillugu naammagittaalliutinut annikinnerusunut tunngatillugu nalunaarutininik suliaqartarneq inatsisitigut pituttorneqassasoq siunnersuu-taavoq.

- *Suliaqarnerup sivilissusia aammalu kalerriuteqartarneq*: Siunnersuutigineqarpoq, paatsuugassaannngitsumik malittarisassani allaqqalissasoq pissusilersuutit pillugit naammagittaalliutitut tunngatillugu sapinngisamik piffissap sivilisallaanngitsup iluani aalajangiisoqartarnissaa. Taassuma saniatigut siunnersuutaavoq, naammagittaalliutit kalerriutigineqartarnissaat, qaammatit 6-it ingerlanerini aalajangiisoqarsimannngikkaangat. Pinerluttulerinermik sulianut tunngatillugu siunnersuutaavoq pisussaaffiussasoq unnerluussisup kalerrinneqartarnissaa aammalu inuit kalerrinneqartussat allat naalagaaffiup eqqartuussisuserisuata imaluunniit Politiit pillugit Naammagittaalliuteqartarfiup aalajangiineri pillugit (unnerluussat eqqunngitsuliorfigineqartullu), unnerluussinermiit qaammatit 12-it qaangiunneranni misissuineq pillugu, pineqaatissiiniarunnaarneq pillugu il. il. aalajangiisoqarsimannngikkaangat.
- *Angallannermut inatsimmi sukkassusissanut aalajangersakkanik unioqquitsineq*: Siunnersuutaavoq, Politiit pillugit Naammagittaalliuteqartarfiup angallannermut inatsimmi sukkassusissanut aalajangersakkanik politiinit unioqquitsinerit misissortassannngikkai, pineqartoq pisuusutut nassueraangat, unioqquitsineq biilersinnaanermut allagartamik arsaagaanermik kinguneqarnani akiliisitaanermik kinguneqarnissaa nalilerneqaraangat aammalu sukkassusissamik qaangiisimaneq pingajuusup peqataaneranik kinguneqarsimannngikkaangat. Siunnersuutip kingunerissavaa, suliat tamakkua politiinit suliarineqartassasut.
- *Taarsiivigitinnissamut piunasaqaatit suliarineqartarnerinut ingerlatseriaatsit*: Aamma siunnersuutaavoq, eqqartuussisarnermik inatsimmi kapitali 42-mi pinerluttoqarsimatillugu taarsiivigitittarnermut aalajangersagaq taarsiivigitinnissamut sulianut inunnut toqsimasunut imaluunniit politiit akuliunnerisa kingunerisaanik innarlerneqarsimasunut imaluunniit pineqartup politiinit paarineqarnerata nalaani innarlerneqarsimasunut, taarsiivigitinnissamut piunasaqaatit suliarineqartarnerinut ingerlatseriaaseq oqilisagaq aamma atuuttassasoq. Tamatuma ilaatigut kingunerissavai, taarsiivigineqarsinnaanermut tunngatillugu eqqartuussivimmi misiliinissamut periarfissaq oqitsoq aammalu illersuisoqartitsinermik qulakkerinnineq.